

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 220263 22 St
Zenica, 09.09.2024. godine

Općinski sud u Zenici, stečajni sudija Amela Sinanović, odlučujući po prijedlogu za provođenje stečajnog postupka nad stečajnim dužnikom dužnikom Proizvodno uslužno društvo „GATTO“ d.o.o. Zenica, ul. Aska Borića broj 33, Zenica, koga zastupa zastupnik po zakonu, direktor, Serdarević Harun, nakon održanog ročišta dana 27.06.2024. godine, kome su prisustvovali zastupnik po zakonu stečajnog dužnika, direktor Serdarević Harun i privremena stečajna upravnica Malkić Jasminka, dana 09.09.2024. godine, donio je sljedeće:

R J E Š E N J E

Otvora se i zaključuje stečajni postupak nad imovinom stečajnog dužnika Proizvodno uslužno društvo „GATTO“ d.o.o. Zenica, ul. Aska Borića broj 33, matični broj subjekta upisa 43-01-0156-13 (stari broj 1-4900), zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0156-13 (stari broj 1-4900), a po pravomoćnosti ovoga rješenja.

O b r a z l o ž e n j e

Predlagač Proizvodno uslužno društvo „GATTO“ d.o.o. Zenica kao stečajni dužnik je dana 24.10.2022. godine ovom sudu podnio prijedlog za otvaranje stečajnog postupka.

Rješenjem ovog suda broj 43 0 St 220263 22 St od 03.11.2023. godine pokrenut je prethodni postupak radi utvrđivanja uvjeta za otvaranje stečajnog postupka nad imovinom stečajnog dužnika Proizvodno uslužno društvo „GATTO“ d.o.o. Zenica, ul. Aska Borića broj 33.

Na ročištu za ispitivanje uvjeta za otvaranje stečajnog postupka održanom dana 22.05.2024. godine, privremena stečajna upravnica Jasminka Malikić je ostala kod svog Izvještaja od 30.11.2023. godine, kao i dopune istog, te izjavila da je nakon uvida u Bilanse stanja i Bilanse uspjeha od 19.10.2022. godine utvrdila da je društvo na dan 19.10.2022. godine raspolagalo prema bilansnim pozicijama sa stalnim sredstvima u iznosu od 4.121,56 KM, a što čine ulaganja u tuđa sredstva u iznosu od 548,45 KM, postrojenja i oprema u iznosu od 3.573,21 KM i tekuća sredstva u iznosu od 75.784,60 KM, a strukturu tekućih sredstava čine sirovine i materijal namijenjeni prodaji u iznosu od 16.169,07 KM, avansi u iznosu od 1.113,16 KM, gotovina i gotovinski ekvivalenti u iznosu od 16.638,40 KM, potraživanja u iznosu od 38.190,00 KM, te druga kratkoročna potraživanja u iznosu od 3.673,97 KM. Pasivu društva na dan 19.10.2022. godine čini kapital u iznosu od 26.633,73 KM, kratkoročne finansijske obaveze u iznosu od 1.078,39 KM, obaveze prema dobavljačima u iznosu od 47.686,78 KM, obaveze prema radnicima u iznosu od 48.670,99 KM i obaveze za PDV u iznosu od 1.083,53 KM. Gubitak iznad visine kapitala na dan 19.10.2022. godine iznosio je 42.247,26 KM. Obaveze u iznosu od 125.153,42 KM imale bi tendenciju stalnog rasta, a prema izjavi odgovornog lica, stalna sredstva koja se odnose na opremu su sastavni dio objekta i ista se ne mogu izdvojiti iz objekta. Ističe da je u prilogu dopune Izvještaja dostavljen Ugovor o zakupu poslovnog prostora u objektu „Papirna“ broj 699/06 od 07.06.2006. godine iz kojeg je vidljivo da je u članu 3. ugovoreno između zakupodavca i stečajnog dužnika kao zakupca, da su uložena sredstva koja

su uslijedila u toku trajanja Ugovora o zakupu broj 979/97 uzeta u obzir kod određivanja cijene zakupa u poglavlju 3. ovog Ugovora, iz čega je evidentno da stečajni dužnik ne može ostvariti naknadu za izvršena ulaganja. Dalje navodi, da iz izjave ovlaštenog lica, a koja se nalazi u prilogu Izvještaja, evidentno je da stečajni dužnik GATTO d.o.o. Zenica ne raspolaže nikakvom imovinom, da sredstva koja se u Bilansu stanja vode u aktivni bilansa kao sirovine i materijal namijenjen prodaji su prehrambeni artikli i ista su rashodovana. Potraživanja koja su naslijeđena od ranijih vlasnika se odnose na potraživanja prema Rudnik mrkog uglja „Zenica“ d.o.o. – Zenica, definisana su Ugovorom o zakupu i trebala su predstavljati prednost kod otkupa objekta, te su ista i zastarjela. Obzirom da GATTO d.o.o. Zenica ostvaruje negativan finansijski rezultat, da nema imovine, da ima obaveze po osnovu poreza i doprinosa, obaveze prema dobavljačima i zaposlenicima, ispunjeni su uvjeti za otvaranje stečajnog postupka. Navodi da postoje razlozi za otvaranje stečajnog postupka, utvrđena je platežna nesposobnost dužnika, ali društvo nema imovine iz koje bi se namirili troškovi postupka, zbog čega je predložila da sud pozove povjerioce i zainteresovana lica da predujme troškove vođenja stečajnog postupka u iznosu od 3.000,00 KM, a u protivnom ukoliko niko ne predujmi navedeni iznos da sud otvori i istovremeno zaključi stečajni postupak i briše navedeno pravno lice iz evidencije privrednih subjekata.

Uprava za indirektno oporezivanje, Regionalni centar Sarajevo, je svojim dopisom od 03.08.2024.godine, je povodom Oglasa kojim se pozivaju povjerioci da predujme troškove za otvaranje stečajnog postupka, obavijestila sud da stečajni dužnik ima dug po osnovu indirektnih poreza u ukupnom iznosu od 220,72 KM, od čega je iznos glavnog duga 125,80 KM, naknadni teret prinude u iznosu od 21,75 KM, zatezna kamata u iznosu od 72,80 KM, te iznos od 0,37 KM po osnovu ostalih prihoda i taksu.

Kako iz Izvještaja privremene stečajne upravnice i dostavljene dokumentacije uz izvještaj, kao i pojašnjenja privremenog stečajnog upravnika na održanom ročištu, proizlazi da društvo, iako postoje stečajni razlozi, nema imovine iz koje bi se namirili troškovi stečajnog postupka, te kako niko od zainteresiranih lica - povjerilaca, a po pozivu suda objavljenom u Sl.novinama FBiH br 39/23 od 01.11.2023.godine, nije predujmio novčana sredstava u iznosu od 3.000,00 KM, na ime troškova za vođenja stečajnog postupka, odlučeno je kao u dispozitivu ovoga rješenja, u skladu sa odredbom člana 102. st. 7. i 8., te odredbom člana 204. stav 5. Zakona o stečaju („Službene novine F BiH“, broj: 53/21).

Slijedom naprijed navedenih odredbi Zakona o stečaju, sud je riješio kao u dispozitivu ovog rješenja.

PRAVNA POUKA:

Protiv ovog rješenja dopuštena je žalba Kantonalnom sudu Zenica u roku od 8 dana od dana dostave rješenja, a putem ovog suda.

Stečajni sudija
Amela Sinanović, s.r.